



Kenyataan Akhbar

Jabatan Kerja Raya Malaysia

**PENUTUPAN SEBAHAGIAN JALAN PELABUHAN UTARA –
PELABUHAN BARAT, FT180 BAGI PROJEK REKA DAN BINA
JEJAMBAT MELINTASI LANDASAN KERETAPI DI JALAN
PELABUHAN, PELABUHAN KLANG, SELANGOR DARUL EHSAN.**

Jabatan Kerja Raya Malaysia (JKR) ingin mengumumkan bahawa Jalan Pelabuhan Utara – Pelabuhan Barat, FT180 menghala ke arah Pelabuhan Barat akan ditutup kepada semua kenderaan.

Tempoh penutupan ini dijadualkan mengambil masa selama 6 bulan bermula dari 1 Oktober 2013 hingga 31 Mac 2014.

Penutupan jalan tersebut adalah disebabkan kerja-kerja meroboh jejambat sediada untuk disambungkan dengan jejambat baru sebagai laluan terus melintasi landasan keretapi. Kerja-kerja yang terlibat adalah meroboh jejambat sedia ada, kerja tanah, pengalihan utiliti, pembinaan cerucuk jejambat, pembinaan tembok penahan tanah dan pelancaran rasuk jejambat.

Sehubungan itu, pihak JKR akan melaksanakan Pelan Pengurusan Trafik sementara dan pengguna-pengguna jalan raya diminta supaya mematuhi papan-papan tanda arah yang disediakan bagi memastikan tiada sebarang gangguan semasa kerja-kerja tersebut dilaksanakan. Pihak JKR juga akan mendapatkan bantuan khidmat kawalan trafik oleh pihak Polis DiRaja Malaysia bagi mengawal aliran trafik sepanjang tempoh berkenaan.

Pengguna-pengguna jalan raya diminta mengambil maklum tentang penutupan jalan pada waktu dan tarikh yang telah dinyatakan. Pengguna-pengguna juga

dinasihatkan supaya membuat perancangan awal bagi merancang perjalanan mereka untuk mengelakkan berlaku kesesakan di laluan berkenaan.

Pengguna-pengguna digalakkan untuk menggunakan laluan-laluan alternatif dan memberi kerjasama sepenuhnya kepada anggota-anggota Polis DiRaja Malaysia (PDRM) dan petugas-petugas trafik yang ditugaskan untuk mengawal pengurusan trafik di laluan tersebut sepanjang tempoh penutupan tersebut:-

a) Laluan Alternatif 1

Melalui Jalan Vantooran (FT 103) menuju ke Jalan Kem dan melalui Lebuhraya Pulau Indah (FT181) menuju ke Pelabuhan Barat.

b) Laluan Alternatif 2

Melalui Lebuhraya Selat Klang (E30) kemudian susur ke Lebuhraya Persekutuan (FT002) dan melalui Persiaran Sultan Ibrahim (FT002). Susur masuk ke Persiaran Tengku Ampuan Rahimah (FT005) seterusnya di Jalan Langat (FT005). Susur masuk ke Lebuhraya Shah Alam (E5) dan seterusnya ke Lebuhraya Pulau Indah (FT181) menuju ke Pelabuhan Barat.

c) Laluan Alternatif 3

Melalui Lebuhraya Selat Klang (E30) kemudian susur ke Lebuhraya Persekutuan (FT002), susur masuk ke Lebuhraya Kemuning – Shah Alam (E13). Seterusnya menuju ke Lebuhraya Shah Alam (E5) dan masuk ke Lebuhraya Pulau Indah (FT181) menuju ke Pelabuhan Barat.

Sebarang pertanyaan mengenai penutupan jalan dan laluan alternatif yang terbabit, sila hubungi Jabatan Kerja Raya (JKR) di talian 03-26108710 (waktu pejabat sahaja) dan kontraktor utama Omazol Corporation Sdn Bhd – Interjuta Raya Sdn Bhd (JV) di talian 012-2833179 dan 03-31653811 (waktu pejabat sahaja).

Pihak JKR memohon maaf ke atas segala kesulitan yang mungkin berlaku disebabkan penutupan sementara laluan ini.

Tarikh dikeluarkan : **1 Oktober 2013**

Laluan-Laluan Alternatif

